

佛
藏
輯
要



12

巴蜀書社

第十一册

佛藏輯要

周紹良題



新學堂

PDG

目錄

人中論

一

人中論善顯密意疏

九七

十二門論疏

二一八

百論疏

三二三

廣百論釋論

五一七

回諍論

六四四

菩提資糧論

六六三

七十空性論

七〇九

精研經釋

七二三

大丈夫論

七二七

入中論卷一

月稱論師造

法尊法師譯

敬禮聖曼殊室利童子

第一菩提心極喜地

爲令悟入中觀論故造入中論茲於諸佛菩薩先

應讚嘆者即是諸佛第一勝因故脫繫縛生死牢

獄無量無依眾生爲相之薄伽梵大悲故說

聲聞中佛能王生諸佛復從菩薩生

大悲心與無二慧菩提心是佛子因等二頌

由得圓滿無上法王較聲聞獨覺菩薩尤爲圓滿

入中論卷一

自在即聲聞等亦承其命故諸佛世尊名曰能王

要從諸佛乃生聲聞等以諸佛出世無倒宣說緣

起彼由聞思修習乃能隨其信樂滿足聲聞等果

故

設有一類唯聞佛說緣起善達勝義而不現生證

般涅槃然彼行者於他生亦必能獲得所求果報

如定業果聖天云『現已知真實現未得涅槃他

生決定得猶如已造業』中論亦云『若佛不出

世聲聞已滅盡諸辟支佛智無依而自生』

能得正教授之果故名聲聞如云『所作已辦不

受後有』等或從諸佛聽聞無上正覺妙果之道

爲求者宣說故名聲聞法華經云『我等今者成

聲聞聞佛演說勝菩提復爲他說菩提聲是故我

等同聲聞』雖諸菩薩亦有彼義然唯宣說自不

修行乃是聲聞故異菩薩

佛陀是覺悟真實之義其名於聲聞獨覺無上正

覺三處俱轉故佛聲亦詮獨覺獨覺之福慧展轉

增長勝出聲聞然無福智資糧大悲一切相智等

劣於正覺故名爲中此亦不依他教自然智生唯

爲自利而自覺悟故名獨覺聲聞獨覺要由如來

入中論卷一

說法乃得出生故曰能王生但諸能王復從何生

論曰『諸佛復從菩薩生』設作是念豈非菩薩

亦從如來說法而生名佛子乎云何諸佛世尊從

菩薩生耶此有二緣菩薩亦得爲諸佛世尊之因

謂時位差別及勸令發心約時位說以如來是菩

薩之果故約勸發心說如曼殊室利菩薩勸釋迦

牟尼世尊及餘諸佛最初發菩提心最究竟果待

其主因故說諸佛從菩薩生

由圓滿因最尊重故既說因應供養則果應供養

自可知故諸佛世尊如大藥樹給無量果於彼

嫩芽等尤應勵力愛護。爲令會中三乘有情趣大乘故。讚嘆菩薩。如寶積經云。『迦葉。如初月爲人禮敬。過於滿月。如是若有信我語者。應禮敬菩薩過於如來。何以故。從諸菩薩生如來故。』此以聖教正理成立諸佛從菩薩生。

又諸菩薩以何爲因。論曰。『大悲心與無二慧。菩提心是佛子因。』悲謂哀愍。行相體性如下說。無二慧謂離有無等二邊之慧。菩提心如法遍行經云。『菩薩應由菩提心了達一切法。一切法與法界相等。新生無住一切法。由所知能知空故。皆還

入中論卷一

三

了知。如自所了達法。願諸有情皆能通達。菩薩所發此心。名菩薩菩提心。利益安樂一切有情心。無上心。慈故和愛心。悲故不退心。喜故無悔心。捨故無垢心。空故不變心。無相故無障心。無願故無住心。『菩薩正因。卽此悲心。無二慧。菩提心之三法。如寶鬘論云。』本謂菩提心。堅固如山王。大悲還十方。不依二邊慧。』

由大悲心。又是菩提心與無二慧之根本。爲顯大悲爲主因故。頌曰。

悲性於佛廣大果。初猶種子長如水。

常時受用若成熟。故我先讀大悲心。

如外穀豐收。初中後三。以種子水潤成熟爲要。如是廣大佛果。初中後三。唯大悲心爲最要。具大悲心者。見他受苦。爲救一切苦有情故。便發心曰。『我當度此一切世間。出生死苦。令成佛道。』又此誓願。離無二慧不能成辦。乃決定修無二智慧。故一切佛法之種子是大悲心。寶鬘論云。『若大乘經說。大悲爲前導。諸行無垢智。有智誰誘彼。』

初雖發菩提心。若後不以悲水敷數灌溉。則仍不能修集廣大資糧。或以聲聞獨覺涅槃而般涅槃。

入中論卷一

四

又得無邊果後。若離悲心成熟。則亦不能長時受用。亦復不能令諸聖果。展轉無間長時增長。爲禮敬彼。今由所緣差別。當顯大悲自體差別。頌曰。

最初說我而執我。次言我所則著法。

如水車轉無自在。緣生與悲我敬禮。

諸世間人於我所執前。先由我執於非有之我。妄計爲有。執此爲實。次除我執之我。於餘一切法執爲我所。此執我我所之世人。由煩惱業索所繫。依旋轉之識推動而轉。於生死深遠大井中。上自有

頂下至無間無間旋轉其勢自然下墜要由勵力
乃昇雖有無知等煩惱業生三種雜染然無初中
後之決定次第於日月中恒爲苦苦壞苦之所逼
惱迄無超出輪轉之期諸菩薩見彼苦惱發大
悲心勇猛救護故當先禮佛母大悲此是菩薩緣
生大悲

緣法與無緣之大悲亦由所緣而顯頌曰

眾生猶如動水月 見其搖動與性空

猶如淨水微風所吹故波浪遍湧於水面水中月
影與所依水浪同時起滅似有彼月體相顯現可

入中論卷一

五

得然諸智者明見二事謂利那無常及自性空如
是菩薩大悲心痛切見諸有情墮落趣耶見海此
無明昧著出生之因那分別爲相一切眾生無明
大水爲非理作意那分別風鼓動不息隨自業轉
如同月影利那利那受無常苦及自性空故欲證
得佛果摧壞眾生無常大苦出生正法甘露妙味
除遣一切那分別相成爲一切眾生親友故前云

與悲我敬禮

前已敬禮緣生緣法無緣大悲今爲宣說菩薩十
種菩提心之差別先依第一菩提心說頌曰

佛子此心於眾生 爲度彼故隨悲轉

由普賢願善趣向 安住極喜此名初

菩薩無漏智爲大悲心攝持者得名曰地是功德
所依故由功德數量神力殊妙而施波羅密多等
增勝與熟增長等展轉上進之差別安立極喜地
等十地差別諸地體性實無差別如云『如鳥飛
越空中跡智若無說亦無見如是一切佛子地尙
不可說寧可聞』

入中論卷一

六

悲轉依普賢菩薩之大願而修趣向此名極喜地
無二智亦名最初心也
第一發心菩薩所發十大願等無量億十大願王
皆是普賢菩薩願中所攝由此攝盡一切願故特
說普賢願

如聲聞乘由向果差別建立聲聞八地如是大乘
亦建立菩薩十地又如聲聞不許願決擇分爲初
果向如是將入地之菩薩寶雲經云『上上勝解
行位法性無間當入初地猶名未發菩薩菩提心
地』彼經又釋住此勝解行剎那菩薩云『善男

子譬如轉輪聖王。超過人色。未得天色。如是菩薩亦超過一切世間聲聞獨覺地。未得勝義菩薩地。

若時趣入初極歡喜地。頌曰。

從此由得彼心故。唯以菩薩名稱說。

得彼心者。畢竟超過諸異生地。唯應以菩薩名稱說。不可以餘名稱說。已是聖者故。般若經二千五百頌云。『菩提薩埵。是隨知薩埵之增語。謂能隨知一切諸法。云何而知。謂如實知無實。無生。亦無虛妄。非如異生所執所得。故名菩薩。所以者何。謂

入中論卷一

七

菩提不可執。菩提不可作。菩提不可得。善勇猛。如來不得菩提。以一切法不可得故。一切法不可得。故名菩提。如是乃名諸佛菩提。非如言說。善勇猛。若發菩提心。謂將此心發菩提心。及於彼菩提發心。執實有菩提者。此不應名菩提薩埵。應名發心薩埵。何以故。以執有生。執有心。執有菩提故。』又云。『菩提無相。離相自性。如是隨知乃名菩提。非如言說。善勇猛。了知諸法故名菩薩。善勇猛。若不知法未隨知法。自云我是菩薩。此離菩薩地。極為過遠。離菩薩法。極為過遠。以菩薩名欺誑天人。』

阿修羅等一切世間。善勇猛。若唯此名便成菩薩。應一切有情皆成菩薩。善勇猛。非唯語業名菩薩地。』

得此菩提心時。非但以菩薩名稱說。復有功德。頌曰。

生於如來家族中。斷除一切三種結。

此菩薩持勝歡喜。亦能震動百世界。

由超一切聲聞獨覺地故。已生趣向如來普光明地之道故。故此菩薩已生如來家中。爾時現見人無我故。此亦永離薩迦耶見。疑。戒。禁。取。三結不復

入中論卷一

八

生故。未見真實者。由增益我故。起薩迦耶見。如是亦起疑。惑。別趣餘道。由入空性。故得彼果利功德。由離障地之過失。故生不共殊勝歡喜。由多歡喜。故此菩薩持勝歡喜。由有最勝歡喜。故此地得極喜之名。復能震動一百世界。

從地登地善上進。滅彼一切惡趣道。

此異生地悉永除。如第八聖此亦爾。

已達法善修習故。為登第二地等發大勇猛故。從地登地善於上進。如預流向內證隨順聖法故。離諸過失生諸功德。如是。此菩薩由證地故。生諸隨

順功德滅諸過失喻預流向俾易了知。

又此菩薩有餘功德。頌曰。

卽住最初菩提心。較佛諸生及獨覺。

由福力勝極增長。

爾勒解脫經云。『善男子。如王子初生未久。具足王相。由彼種姓尊貴之力。能勝一切耆舊大臣。如足初發業。菩薩發菩提心雖未久。然由生如來法王家。中以菩提心及大悲力。亦能勝一切久修梵行之聲聞獨覺。善男子。如妙翅鳥王之子初生未久。翅羽風力及清淨眼目之功德。爲餘一切大鳥所不能及。如是菩薩初發菩提心。生如來妙翅鳥王之家。此妙翅鳥王子。以發一切智心之翅力及增上意樂清淨眼目之功德。彼聲聞獨覺雖百千劫修出離行。亦不能及。』佛諸生卽聲聞。

彼至遠行慧亦勝。

如十地經云。『諸佛子。譬如王子生在王家。具足王相。生已卽勝一切臣眾。但以王力。非是自力。若身長大。藝業悉成。乃以自力超過一切。諸佛子。菩薩摩訶薩亦復如是。初發心時。以志求大法。故勝出一切聲聞獨覺。非以自智觀察之力。菩薩今住。

入中論卷一

九

第七地。以自所行智慧力。故勝過一切聲聞獨覺所作。』是故應知。唯遠行地以上菩薩。乃能以自

慧力勝二乘。大地以下未能也。此教顯說。聲聞獨覺亦有知一切法。無自性者。倘不遍知諸法。無自性。不過如世間離欲者。則初發心菩薩亦應以自慧力勝彼等。亦應不能永斷三界一切隨眠。如諸外道。又緣起等自性成顛倒故。亦應不達補特伽羅無我。以於施設我因之諸蘊。有可得故。寶鬘論云。『若時有蘊執。彼卽有我執。有我執造業。從業復受生。三道無初後。猶如旋火輪。更互爲因果。

入中論卷一

十

流轉生死輪。彼於自他共三世無得故。我執當永盡。業及生亦爾。』又云。『猶如眼迷亂。所執旋火輪。如是諸內根。取現在諸境。諸根與根義。許爲大種性。大種各無義。故此義非有。若大種各異。無薪應有火。合則無實相。應知餘亦爾。大種於二相。無故合義無。由合無義故。色義亦非有。識受及與想。諸行於一切。各別體無故。勝義中無義。如苦止息時。便起實樂。如是樂壞時。亦慢爲實苦。如是無性故。能斷遇樂愛。及斷離苦愛。見此卽解脫。爲以何法見。名言說以心。離心所無。心無義故。非有。如。

是如實知無實眾生義、猶如火無薪、無住取涅槃。『若謂唯諸菩薩乃見如是無自性、此亦不然是。』依聲聞獨覺增上作是說故。何以知然、以論後無間乃依菩薩增上說故。『如是諸菩薩見已求菩提、然彼由悲心、受生至菩提。』

聲聞經中亦說、聲聞爲斷煩惱障故、『諸色如聚沫、諸受類浮泡、諸想同陽燄、諸行喻芭蕉、諸識猶幻事、日親之所說。』此以聚沫浮泡、陽燄芭蕉、幻事等喻、觀察諸行。阿遮利耶顯此義云、『大乘說無生、係說盡空性、盡無生義、同是故當忍許。』中

入中論卷一

十二

論亦云、『世尊由證知、有事無事法、迦旃延那經、雙破於有無。』

有作是念、『若聲聞乘中說法無我、則說大乘經應成無用。』應知彼宗俱違教理。說大乘經、非唯宣說法無我、亦說菩薩諸地波羅密多、大願、大悲等、迴向資糧、不可思議法性。如寶鬘論云、『彼小乘經中、未說菩薩願、諸行及迴向、豈能成菩薩安住菩提行、彼經未曾說、惟大乘乃說、智者應受持。』即爲顯示法無我故、宣說大乘亦應正理、欲廣說故。聲聞乘中說法無我、僅畧說耳。如阿遮利耶

云、『若不達無相、佛說無解脫、故佛於大乘圓滿說彼義。』

旁論已了、慧無亂者、已能自知本相、今當說正義。頌曰、

爾時施性最增勝、爲彼菩提第一因。

得極歡喜地之菩薩、於布施、持戒、安忍、精進、靜慮、般若、方便、願力、智十波羅密多中、布施波羅密多最爲增勝、餘非全無。此布施波羅密多、即一切種智之正因也。

雖施身肉仍殷重、此因能比不現見。

入中論卷一

十三

爾時此菩薩所有不可現見之智德、即由布施內、外財物便能比知、如見烟比知有火等。

如菩薩之布施、是成佛之第一正因、及能決定不現見之功德、如是異生、聲聞、獨覺之布施、亦是除苦得樂之因。頌曰、

彼諸眾生皆求樂、若無資具樂非有。

知受用具從施出、故佛先說布施論。

其餘飢渴、疾病、寒熱等苦、引生三有安樂之因、倒執爲樂、非真實樂。世人於彼增上、貪著然彼所著、除苦之樂、若無能對治眾苦、顛倒體性之欲塵受。

用具亦不得生。其餘苦因之欲塵境未修布施福業者亦不得有。解一切眾生意樂根性之佛薄伽梵由見此故於說持戒等之前先說布施。

今說施者縱不合理然亦能得隨順之果成就施性。頌曰：

悲心下劣心粗獷 專求自利爲勝者

彼等所求諸受用 滅苦之因皆施生

如諸商人捨極少物求大財聚較諸乞丐所求尤多。彼於布施亦應敬重。彼雖不能如諸仰子隨大悲轉不求施報唯享施樂。然於布施不見退失唯

入中論卷一

三

見功德亦能獲得圓滿財位。滅除自身飢渴等苦。故彼亦是滅苦之因。

又此非悲慙他唯求自身除苦而行施者。頌曰：

此復由行布施時 速得值遇眞聖者

於是永斷三有流 當趣證於寂滅果

如云：『善士常往施主家。』信樂施者由行施時得值聖人。聞彼說法了知生死都無功德親證無垢聖道。永斷無明息滅眾苦。棄捨無始傳來生死相續以聲聞乘及獨覺乘而般涅槃。由是當知諸非菩薩者所行布施亦是得生死樂與涅槃樂之

因

發誓利益眾生者 由施不久得歡喜

諸非菩薩者不能與布施同時便得享受布施之樂果。由彼不能現見施果故於布施容不修行。但諸菩薩由布施同時滿足求者便得享受所欲施果勝妙歡喜。故能一切時中歡喜布施。

由此道理。頌曰：

由前悲性非悲性

一切之增上生與決定勝之因皆是布施

故唯布施爲要行

入中論卷一

四

前說菩薩常殷重行施以諸財物滿足求者時即生殊妙歡喜。其喜相云何。頌曰：

且如佛子聞求施 思惟彼聲所生樂

聖者入滅無彼樂 何況菩薩施一切

且如菩薩聞諸求者乞施之聲思惟彼聲便覺此輩是向我來乞者心中數數發生歡喜。此較入涅槃之樂尙爲殊妙。況施內外一切財物滿足求者。聞菩薩布施內外一切財物身無苦耶。答諸大菩薩制身如無情物能無痛苦。虛空藏三摩地經云：『如大娑羅樹林若有人來伐其一株餘樹不作

是念彼伐此樹未伐我等。於彼伐者不起貪瞋亦無分別。菩薩之忍亦復如是。此是最清淨忍。量等虛空。『寶鬘論』亦云。『彼既無身苦更何有意苦。悲心救世苦。故久住世間。』請未得無貪位者。遇違害身之境。其身定生痛苦。然為利有情故。適成精進之因。頌曰。

由割自身布施苦。觀他地獄等重苦。

了知自苦極輕微。為斷他苦勤精進。

菩薩觀察地獄。旁生。餓鬼等趣。其身恆受重苦。逼迫。較自割身之苦。何止千倍。乃於自己割身之苦。

入中論卷一

五

不覺其苦。為斷他有情地獄等苦。起大精進。為明布施波羅密多之差別。頌曰。

施者受者施物空。施名出世波羅密。

彼岸。謂生死大海之彼岸。即盡斷煩惱所知二障之佛果。到達彼岸。名到彼岸。聲明云。『若有後句不應滅去。』由此未滅業聲。故成密字。或是積顯答羅等攝。故留摩字尾音。此是別說慧攝持者。由布施等與波羅密多相同。亦名波羅密多。由迴向差別。亦定能到彼岸。故布施亦得波羅密多之名。下說之持戒等。應知亦爾。此名波羅密多之布施。

若於施者受者施物皆無可得。般若波羅密多經中說。名出世波羅密多。以不可得。即出世間故。有所得者。世俗諦攝。即世間性故。未得菩薩地者。不能了此義。復次頌曰。

由於三輪生執著。名世間波羅密多。

即前布施若於三輪有所得者。說名世間波羅密多。

今以智慧差別。宣說極喜地之勝妙功德。頌曰。

極喜猶如水晶月。安住佛子意空中。

所依光明獲端嚴。破諸重闇得尊勝。

入中論卷一

六

極喜言是說此地名。尊勝謂勝一切違品而住。此以智慧為性。安住於佛子之意中。故其居處高顯。極歡喜地。前說破除一切重闇。尊勝而住。以喻明此義。猶如水晶月。

第二菩提心離垢地

已說第一菩提心。今說第二。頌曰。

彼戒圓滿德淨故。夢中亦離犯戒垢。

諸地皆以勝慧為性。今以戒波羅密多等能依功德。顯示第二菩提心之差別。由不忍受煩惱故。不生苦故。滅憂悔火得清涼故。或由是安樂之因。善

士所行故名曰尸羅。此以七能斷爲相。無貪無瞋。正見二法是七能斷之發起。故約能斷及發起而言戒。卽十善業道也。戒圓滿謂戒至極。德淨卽清淨功德。淨字亦通戒。謂戒圓滿清淨也。由自身功德清淨故。戒卽最爲超勝。彼菩薩由成就如斯戒德故。竟至夢中亦不爲犯戒垢所污也。又彼菩薩云何而得尸羅圓滿功德清淨耶。謂此菩薩安住菩薩第二地時。頌曰。

身語意行咸清淨。十善業道皆能集。

如菩薩第二地云。『佛子。菩薩住離垢地。性自達

入中論卷一

七

離一切殺生。不畜刀杖。不懷怨恨。有慚有愧。仁慈具足。於一切眾生有命者。常生利益慈念之心。尙不惡心惱諸眾生。何況於他起眾生想。故意而行殺害。性不偷盜。菩薩於自資財常知足。於他慈恕不欲侵損。若物屬他。起他物想。終不於此而生盜心。乃至草葉不與不取。何況其餘資生之具。性不邪淫。菩薩常於自妻知足。不求他妻。於他妻妾他所護女親族謀定及爲法所護者。尙不生於貪染之心。何況從事。況於非道。性不妄語。菩薩常作實語。眞語。時語。乃至夢中亦不忍作覆藏之語。無

心欲作。何況故犯。性不兩舌。菩薩於諸眾生無離間心。無惱害心。不將此語爲破彼故而向彼說。不將彼語爲破此故而向此說。未破者不令破。已破者不增長。不喜離間。不樂離間。若實若不實。不作不說離間語。性不惡口。所謂毒害語。粗惡語。苦他語。令他懷恨語。現前語。不現前語。鄙惡語。庸賤語。不可樂聞語。聞者不悅語。瞋忿語。如火燒心語。怨結語。熱惱語。不可愛語。不可樂語。能壞自身他身語。如是等語皆悉捨離。常作潤澤語。柔軟語。悅意語。可樂聞語。聞者喜悅語。善入人心語。風雅典則

入中論卷一

八

語。多人愛樂語。多人悅樂語。身心隨悅語。性不綺語。菩薩常樂思審語。時語。實語。義語。法語。順道理語。巧調伏語。隨時等量決定語。是菩薩乃至戲笑尙恆思審。何況故出散亂之言。性不貪欲。菩薩於他財物他所資用。不生貪心。不願不求。性離瞋毒。菩薩於一切眾生恆起慈心。利益心。哀愍心。歡喜心。和潤心。攝愛心。永捨瞋恨。怨害熱惱。常思順行。仁慈利益。又離邪見。菩薩住於正道。不行占卜。不取惡戒。心見正直。無誑無諂。於佛法僧起決定信。『以身圓滿初三善業道。以語滿中間四。以意滿

後三。故能修集十善業道。此十善業道初發心菩薩不修集耶。彼雖亦修。頌曰。

如是十種善業道。此地增勝最清淨。

彼初發心菩薩未能如是。頌曰。

彼如秋月恒清潔。寂靜光飾極端嚴。

寂靜謂防護諸根光飾謂光明顯現。雖有如是清淨尸羅。頌曰。

若彼淨戒執有我。則彼尸羅不清淨。

如寶積經云。『迦葉。若有苾芻具足淨戒。以別解脫防護而住。軌則威儀皆悉清淨。於諸小罪生大

入中論卷一

五

怖畏。善學所受一切學處。身語意業清淨圓滿。正命清淨。而彼苾芻說有我論。迦葉。是名第一破戒。似善持戒。乃至迦葉。若有苾芻具足修行十二杜多功德。而彼苾芻見有所得。住我我所執。迦葉。是名第四破戒。似善持戒。』頌曰。

故彼恒於三輪中。二邊心行皆達離。

於誰有情。修何對治。由誰能離之。三輪皆能達離。有事無事等。二邊執心也。

如是已說菩薩圓滿淨戒。今當說餘人淨戒功德。較布施等爲大。是一切功德之所依。頌曰。

失壞戒足諸眾生。於惡趣受布施果。

彼修施者。若能具足淨戒。當於人天中感最圓滿殊勝之財位。然有墮惡趣中而受圓滿大財位者。如獨一地獄。龍象牛馬猿猴等畜類。及大力鬼類。由彼眾生修施而失壞戒足之所招感。故頌曰。

生物總根受用盡。其後資財不得生。

如有人見下少種子可得大果。爲得後果故更下多種。則其果聚增長不絕。若癡人不知下種。以種爲食。由生物總根永盡故。豈能更生圓滿大果。如是。最極癡人。由無淨戒。故於非處中受用財位。前

入中論卷一

三

果用盡。新果未修。此後遂難更得感生資財。又離戒足者。非但難得圓滿財位。卽再出惡趣亦屬不易。頌曰。

若時自在住順處。設此不能自攝持。

墮落險處隨他轉。後以何因從彼出。

若時隨欲自在不依賴他。住人天趣。猶如勇士住隨順處。脫離繫縛。設於此時不自攝持。如勇士被縛投山澗中。墮惡趣後。更以何因從彼出耶。遂長流轉惡趣之中。如經云。『假使後生人中。亦當感二種罪報。』

由犯戒是眾患之根本。頌曰

是故勝者說施後。隨卽宣說尸羅教

故戰勝一切罪惡者。爲今布施等功德不失壞故。於說布施後。卽說持戒之教。頌曰

尸羅田中長功德。受用果利永無闕

由爲一切功德所依故。尸羅卽良田。若於彼田中長養施等功德。則因果展轉增長永無間竭。成大果聚。長時受用。故頌曰

諸異生及佛語生。自證菩提與佛子

皆上生及決定勝。其因除戒定無餘

入中論卷一

三

如經云『十不善業道上者地獄因。中者畜生因。下者餓鬼因。於中殺生之罪。能令眾生墮於地獄。畜生餓鬼。若生人中得二種報。一者短命。二者多病。偷盜之罪亦令眾生墮於地獄。乃至一者貧窮。二者其財不得自在。邪婦之罪亦令眾生墮於地獄。乃至一者妻不貞良。二者不得隨意眷屬。妄語之罪亦令眾生墮於地獄。乃至一者多被誹謗。二者爲他所誑。兩舌之罪亦令眾生墮於地獄。乃至一者眷屬乖離。二者親族弊惡。惡口之罪亦令眾生墮於地獄。乃至一者常聞惡聲。二者言多諍訟。

綺語之罪亦令眾生墮於地獄。乃至一者言無人

受。二者語不明了。貪欲之罪亦令眾生墮於地獄。

乃至一者心不知足。二者多欲無厭。瞋恚之罪亦

令眾生墮於地獄。乃至一者常被他人求其長短。

二者恒被他人之所惱害。邪見之罪亦令眾生墮

於地獄。畜生餓鬼。若生人中得二種報。一者生邪

見家。二者其心詭曲。十不善業道能生此等無量

無邊眾大苦聚。』又云『十善業道是人天乃至

有頂處受生因。又此上品十善業道以智慧修習

心狹劣故。怖三界故。闕大悲故。從他聞發而解了

入中論卷一

三

故成聲聞乘。又此上品十善業道修治清淨。不從他教自覺悟故。大悲方便不具足故。信解甚深緣起法故。成獨覺乘。又此上品十善業道修治清淨。心廣無量故。具足悲愍故。方便所攝故。發生大願。故不捨眾生故。淨治菩薩諸地故。淨修一切諸度。故成菩薩廣大行。』由是道理。故說除十善業道外。無餘方便能使異生。聲聞。獨覺。菩薩隨其所應。獲得增上生生死之快樂。及決定勝非苦非樂。爲性之解脫也。頌曰

猶如大海與死屍。亦如吉祥與黑耳。

如是持戒諸大士。不樂與犯戒雜居。
黑耳是不吉祥之異名。今進說持戒波羅密多之
差別頌曰。

由誰於誰斷何事。若彼三輪有可得。

名世間波羅密多。三著皆空乃出世。

若於彼尸羅有三輪可得。說名世間波羅密多。
即彼尸羅若無前說三輪可得。說名出世波羅密
多。

由說此地功德門。明圓滿尸羅波羅密多。頌曰。

佛子月放離垢光。非諸有攝有中祥。

入中論卷一

三

猶如秋季月光明。能除眾生意熱惱。

言離垢者。謂由十善業道令無垢故。即第二地菩
薩之實名。猶如秋月放離垢光明。能除眾生之熱
惱。如是菩薩月輪所放離垢光明。亦能遣除意中
由犯戒所生之熱惱也。此非生死所攝故。非三有
然是三有中之吉祥。一切圓滿功德皆隨彼轉故。
是四洲轉輪聖王之因故。

第三菩提心發光地

今當說第三菩提心頌曰。

火光盡焚所知薪。燄此三地名發光。

發光是第三地菩薩之名。為顯此發光地名實相
符故。謂此地以智慧火焚所知薪。發出寂靜光明
故名發光。發第三心者頌曰。

入此地時善逝子。放赤金光如日出。

如日將出先現赤金日光。此地菩薩所放智慧
光明亦爾。為顯得彼光明之菩薩。忍波羅密多最
為增勝。頌曰。

設有非處起瞋恚。將此身肉并骨節。

分分割截經久時。於彼割者忍更增。

又此菩薩善護他心故。有如上慧故。實非他人三

入中論卷一

三

世可瞋之處。損他之身語意業皆不現行。故云。『
設有非處起瞋恚。』設有如是暴惡有情。於菩薩
身分分割其骨肉。經長久時。然菩薩於如是割
者。非但心不瞋恚。且知由此罪業因緣當受地獄
等苦。更生廣大之安忍。
復次頌曰。

已見無我諸菩薩。能所何時何相割。

彼見諸法如影像。由此亦能善安忍。

非但由見彼以罪業因緣當受地獄等苦而起增
上安忍。由見諸法等同影像。皆離我我所想。由此

亦能生大安忍。亦字爲攝安忍之因。

又此安忍非但是菩薩相應之功德。亦是餘人保護功德之因。故當遮止瞋恚之心。頌曰

若已作害而瞋他。瞋他已作豈能除。

是故瞋他定無益。且與後世義相違。

若他已作損害。因此瞋他者。已作損害不能除。故緣他起瞋於事何益。因已作故。又此瞋恚非但現在無益。且與後世利益相違。以發瞋恚能引生非愛異熱故。

頗有癡人。現受自作惡行所感苦果。妄謂他人損害於我。遂於能害者發瞋恚心而行報復。願彼損害就此失敗。爲遮此執。頌曰

入中論卷一

三

既許彼苦能永盡。往昔所作惡業果。

云何瞋恚而害他。更引當來苦種子。

若於自身現作刀割等極大劇苦。當知是由往昔造殺生等業。會於地獄畜生餓鬼趣中受極大苦。今受所餘等流苦果。由此最後苦果令彼一切皆盡。如最後藥能療身中殘病。云何復起瞋恚而思損他。更引發當來遠勝已受苦果之極大苦。因如病將差。更服不宜食物。如醫師爲療重病作刀割

等苦。故於現前苦極當忍受也。

又此不忍非但是引非愛異熱之因。亦是摧壞入達所修福德資糧之因。頌曰

若有瞋恚諸佛子。百劫所修施戒福。

一刹那頃能頓壞。故無他罪勝不忍。

若菩薩於已發菩提心之佛子。由不知彼人內心差別。或雖知之。然由煩惱串習力故。增計其過失。隨實不實乃至起一刹那瞋恚心。尙能摧壞百劫所修施戒波羅密多福德資糧。況非菩薩而瞋菩薩。如大海水不可稱量。此異熱量亦不可知。故能

入中論卷一

三

引非愛果及能壞善根之罪惡。更無大於不忍者也。如經云。『曼殊室利。以能壞百劫所修善根。故名瞋恚。』又此不忍。其無力損他者。徒爲自害。若有勢力無悲愍者。則俱害自他。頌曰

便色不美引非善。辨理非理慧被奪。

身壞命終之後。

不忍令速墮惡趣。

不忍之失既如上說。違彼而忍功德云何。頌曰

忍招違前諸功德。忍感妙色善土喜。

善乃是理非理事。及後轉生入天中。

所造眾罪皆當盡。

如上所說不忍之過失與彼相違當知卽是安忍之功德。故頌曰。

了知與生與佛子 瞋恚過失忍功德。

永斷不忍常修習 聖者所讚諸安忍。

瞋恚之過失如上已說與上相違當知卽安忍之功德故當永斷不忍一切時中常修安忍也。

今當說安忍波羅密多之差別。頌曰。

縱遇等覺大菩提 可得三輪仍世間。

卽使迴向佛果若見所修之忍由誰修忍於誰修。

入中論卷一

二

忍三輪可得此忍卽名世間安忍波羅密多。頌曰。

佛說若彼無所得 卽是出世波羅密。

如此地菩薩安忍波羅密多最極清淨如是亦得靜慮等。頌曰。

此地佛子得禪通 及能遍盡諸食願。

彼亦常時能摧壞 世人所有諸食欲。

言禪定者亦表等至無量等。如三地菩薩經云。

是菩薩住此發光地時卽離欲惡不善法有覺有觀離生喜樂住初禪。滅覺觀內淨一心無覺無觀。

定生喜樂住第二禪。離喜住捨有念正知身受樂。

諸聖所說能捨有念受樂住第三禪。斷樂先除苦。

憂喜滅不苦不樂捨念清淨住第四禪。四無色等。

至者謂超一切色想滅有對想不念種種想入無。

邊虛空住虛空無邊處超一切虛空無邊處入無。

邊識住識無邊處超一切識無邊處入無少所有。

住無所有處超一切無所有處入非有想非無想。

住非有想非無想處是名四無色等至。四無量者。

謂此菩薩心隨於慈廣大無量不二無怨無對無。

障無惱徧至一切處盡法界虛空界徧一切世間。

住悲喜捨亦復如是。五種神通者謂此菩薩得無。

入中論卷一

三

量神通力能動大地以一身爲多身多身爲一身。

或隱或顯石壁山障所往無礙猶如虛空於虛空。

中踰跌而去同於飛鳥大地如水履水如地身出。

烟像如大火聚復雨於水猶如大雲三千大千世。

界劫火熾然其水能滅日月在空有大威力而能。

以手捫摸摩觸其身自在乃至梵世是爲神足通。

又此菩薩天耳清淨過於人耳悉聞人天若近若。

遠所有音聲乃至蚊蚋蛇蠅等聲亦悉能聞是爲。

天耳通。又此菩薩以他心智如實而知他眾生心。

所謂有食心如實知有食心離貪心如實知離貪。